

乾隆杭州府志

杭州府志卷十五

山川三

錢塘縣中

巾子峯 舊志云在金輪梵天院後西湖勝蹟事實云在

壽星石後

咸淳志

形如巾幘和靖詩云巾子山頭烏桕樹清

霜未落葉先紅

西湖百咏引

游覽志謂巾子峰卽獅子峰形各

不同當是二峰

錢塘縣志

楊蟠巾子峰詩首出羣山內

郭祥正巾子峰詩

嵯峨峩嶢天頂寒翠灑湖光吟客搖船子

猶疑漉酒香

董嗣杲巾子山詩岌業山形醜莫收傍湖

獨整傲春秋幾株烏桕無根在一幅華陽有樣留寒日霜

乾還掠額曉天嵐重且遮頭東籬漉酒人知得醒立風前

不可求

張昱巾子峰詩青旻天界碧迢迢仙客遺巾竟

寂寥猶有白雲間似鶴與人相伴夜吹簫

楊祐九日登

巾子峰詩昨醉歡已諸茲游更奇絕崎嶇歷岡阜盡得心
所說白雲岩上來一尊對之竭振衣越層巔身輕耳白燕
長嘯俯遠風扣石歌白雪肅肅天際鴻
晶晶川上月超然有遐契自得塵言說

烏石峰 在瑪瑙山後下有石洞高二丈餘卽紫雲洞也

萬歷石色如墨故名錢塘縣志黃省曾度樓霞嶺戾止
舊志烏石峰禪居詩靈扉瞻五覆紆嶺邁

三查旣賜遠川繞亦盼近山合泄瀉盡幽泛度鳥舉清苔
聞此絕世岑樓有息心衲卽聳構彌樓于奧締香榻惠日
清照臨慈雲滄吐綢繡噴噴玉林映岩
岩翠屏匝煩想靜流淦朗詠自擣發

北高峯 卽靈隱山最高處石磴數百級曲折三十六彎

奇勝與南高峰相埒大清一統志在靈隱寺後山上有塔唐

天寶中建高七級蘇詩注方干夏口登靈隱寺後峰詩
絕頂無煩暑登臨三伏中深蘿難透日

喬木更含嵐山疊雲霞際川傾世界東那知茲夕興不與
古人同 楊蟠北高峰詩杳杳孤峰上寒陰帶遠林不知

山下路奎斗自分明周紫芝登北高峰詩鼓楫去故里
攜孥客東吳胡山森照耀魚鳥相嬉娛舉目見兩高欲上
徒嗟吁人言不可往無路登雲衢盡力鼓餘勇遂復酬宿
逋白鳥入蒼烟城沒在大虛曉日沸陽谷萬川納歸壑海
門豁中開怒濤喧朝暘盡注百里江拱揖朝伍胥銀湖大
如許僅可方覆盂諸峰如培塿瑣細不足圖寸眸一俯仰
八極無遺餘第恨蒼涼口悠悠迫懸車臨風一悵惘言旋
戒危途姚勉登北高峰詩秋風吹鬢影涼意足登山人
立晴林杪猿啼宿霧間好山多佛占浮世只僧間我亦耽
奇者禪扉日叩關鄧林北高峰詩捫蘿百折上嶙峋世
界仙凡到此分小朵嶽蓮來異域孤撐天柱入層雲江湖
俯瞰杯中瀉鐘磬迴從地底聞借問須彌在何處老僧留
客且論文姚肇次韻詩高峰千仞至嶙峋石磴躋攀翠
霞分一路松聲長帶雨半空嵐氣忽成雲上方樓閣參差
見下界笙歌遠近聞誰似當年蘇內翰登臨處處有遺文
張時徹北高峰詩復嶺盤青漢危峰峙碧空賴霞標海
樹白日走江虹桃片千岩落松陰
萬壑重紫微真可到脫屣會相從

卓筆峰

靈隱無垢院有石筍形如筆卓

咸淳

石筍峰在

韜光菴西普圓院後一峰嶄然特立高數十丈相傳以筍

名之

西朔百
咏引

卓筆峰一名石筍峰有石筍又有石魚

成化
舊志

輿地志謂之資嚴山石筍厓

錢塘縣志
詩異種休泰玉版禪巖然一

角立層巖遠尖自抱雲根壯疊薛誰疑雨簞纏夢裏三生

空過眼眉中千畝漫流涎此龍難入寧僧譜出土摩霄是

幾
年

西源峯

在龍門峯西南武林水北澗發源處也

靈隱
志

飛來峯

在靈隱山東南亦名靈鷲峰

大清一統
志

靈隱山

青巖晉咸和中有僧登之嘆曰此是中天

因靈鷲山之

小嶺不知何年飛來

蘇詩注引
十三州記

咸和元年西僧慧理登茲

山云佛在世日多為仙靈所隱今此亦復爾耶因掛錫造

靈隱寺號其峯曰飛來

咸淳志引晏公輿地志

山名靈隱肇于陶唐

時飛來之說乃傳于晉咸和間

西湖百詠引

陳志曰飛來界靈

竺兩山之間其支分而回拱者曰靈鷲則當是兩峰矣據

晉慧理所云則飛來與靈鷲同一山也今乃以峰之陽曰

飛來陰曰靈鷲一峰向背別為兩名非也

錢塘縣志

方

岩喬木夏藏寒牀上雲溪枕上看臺殿漸多山更掘御令

飛去卽應難王安石登飛來峰詩飛來山上千尋塔聞

說難鳴見日昇不異浮雲迤邐望眼自緣身在最高層周

麟之飛來峰詩西域嶄立群玉峯懸厓萬丈穿玲瓏世人

不識真鬼工夜半躍起隨雷風天與西湖作奇觀巖然飛

墜羣山中海風吹雨萬壑填往往客有雲相通遙望烟鬟

出林塢重巒面面青蓮宇孤雲起石風生泉游人六月不

知暑世傳飛來我亦疑摩挲蒼壁心更悲當年禁園山水

遠艮岑一石須人挽無人把酒醉山靈飛入君王上林苑

陳剛中飛來峯詩寒峯插天出玲瓏萬箇蒼微風起松

山川

三

際怪石勢搖撼上有百尺松幽花綴紅糝野猿忽躍去滴
下露千點回首冷泉亭天鏡光澈澈游姬修眉青嬌羞兩
髦髯平生山水癖如人嘗昌歙對此一壺酒玉色初醉臉
路逢老祝髮絳袍金光閃茲山信自佳恨爲緇塵染置之
且復醉天竺鼓統統朱繼芳飛來峯詩元是西天住飛
來莫去休未憑仙佛國好是帝王州彼樹亦如寄吾生應
更浮白猿呼不應松露滴獼猴林景熙游飛來峯詩何
年移竺國秀色發稜層清極不知夏虛中欲悟僧櫺幽嵐
氣重泉落乳花凝猶憶烹茶處閒來話葛藤陳基閨三
月四日信太守邀游飛來峯和顧子經韻詩千岩萬壑潯
奔雷分得西天小朶來雲氣滿林山韞玉松陰繞寺榻生
苔烟霞遠跡何當遂猿鶴留人未疑回今日使君蘇白輩
醉歸城路近三台張寧題飛來峯詩翠擁螺髻玉作堆
一峰孤絕似飛來龍翔北海蒼鱗重風落西湖錦翼開鬼
斧鑿穿生混沌神鞭驅出小蓬萊石門陰洞知多少欲倩
丹梯上紫臺顧璘飛來峯詩靈峰自何來嶽嶽峙蒼風
羽翮不肯飲時時欲飛動海雲結輪囷崕岬互勾控虛房
綬懸蜂橫架亘垂棟巨巖若雕刻真宰咨玩弄初臨側躬
入稍深復軒洞蹈危若浮槎瞰空疑覆甕崔深日影墜谷
轉風馭送陰森絺衣寒蹞蹞芒鞋重班荆跌舊席劍石起

新頌歸來眠不
穩一夜勞噩夢

按李璧注荆公集曰靈隱飛來峰無塔兼所見不甚遠
公詩所指恐別是一處攻峰上有神尼塔但其塔不甚
高大不當云千尋疑荆公所登實是北高峰其詩題則
稱飛來耳

蓮花峯

靈隱山有孤石壁立大三十圍其上開散狀似

蓮花

水經注

峯頂孤石四布中央生穀樹甚高大樹下生莪

藓茂若沃土所生

太平御覽引錢塘記

在飛來峯西高起而聯屬者

是也下澗上銳從頂視下其石四面數開

靈隱寺志梅詢蓮花峯詩巨

石如芙蓉天然匪雕飾盤礴峯頂邊嫵娟秋江側涉川試
誰探作礪當自惜坐與榮落同貞心未嘗易曹勛游蓮

峯詩絕壑垂蘿蓮出泥靈根瀉碧漱春曦支笻得往烟雲
上賡看飛流濺沫時陳旅蓮花峯詩怪石蟠厚地神功
謝琢飾水深玉井凍風多日車側空聞涉江咏尚見嘉樹
惜匪石有遺誠我心不可易貝瓊蓮花峰詩亂雲交震
麝孤石聳岩巖地識金仙隱岩看玉女朝香爐
分秀色太華並高標恐有蛾眉雪千秋尚未消

白猿峰

西僧慧理畜白猿于此成化在呼猿洞上錢塘縣志

稽留峰

並善住峰而特起者曰稽留俗稱雞籠語訛也

稽留之西即蓮花峰

武林山志

靈隱寺有高厓洞穴昔有道士

長往不歸或因以稽留為山號

水經注

靈隱山許由葛洪皆

隱此本號稽留山

太平寰宇記

古許由嘗飲于靈隱澗盧仝父

詩云問山何以名靈隱山曰當年隱許由

西湖百咏引

史記言

箕山有許由冢箕山自在河南嵩少間樂史乃云靈隱舊

名稽留許由葛洪所隱與史記殊不相合故下令圖經又謂許邁嘗隱此亦恐未然邁但立精舍于餘杭垂霄山後移入臨安西山于錢塘之靈隱無相關也

咸淳志

相傳堯時

許由隱此遂名許由峰訛爲稽留據水經注昔有道士入此不返未嘗專指許由也

名勝志

許遠游隱餘杭山嘗遺義

之書曰自山陰至臨安多有金堂玉室漢末諸得道在焉

靈隱在山陰臨安之間邁旣徧游名山登岩茹芝諒亦至

是

神州古史考

郭祥正稽留峰詩孤峰出天外客到亦稽留不覺月華晚

釋邁式稽留峰詩武林神仙宅代有隱者游谷靜雲性閑源長水涵幽吾居餘

十年自足忘百憂豈肯不死草風陪無生儔道慚情未減身與世爲雉安得會昔人竹枝歌中秋

按靈隱北塢有許邁思真堂見陸羽蓋竺二寺記邁隱

此山中確有實跡可據卞令圖經未可并斥之也

月桂峰 在靈隱山中相傳月中桂子嘗墜此唐宋之間

詩桂子月中落卽此 大清一統志 白猿峰之前雲木森然者

日月桂峰 武林山志

白雲峰 一作白雲巖 上天竺白雲峰產茶 咸淳志 岩在郡西十

九里岩背卽龍井 錢塘縣志 楊蟠白雲峰詩萬頃田間

平 郭祥正白雲峰詩湖上峰爭碧此

乳竇峰 在天竺寺南 西湖志 寺之正案奇峻擢天 上天竺志

雙檜峰 在白雲峰右上有雙檜婆娑有岩石亦謂之雙

檜岩一名百丈岩

上天竺山志

施閏章雙檜峰詩昔聞

衆山外危磴累丹梯陰霞成紫蓋平臨江海寬俯看邱壑

碎人生若飛簾倏與流飈會濡首塵埃間寧識滄海大

風叩闔闔浮雲接衣帶

獅子峰

在天竺西南風篁嶺之北元伯顏平宋登此峰

以覽臨安形勝

大清一統志

在天門山側勢若蹲獅其下爲

老龍井

錢塘縣志

鷄雞峰

在西山崇因報德院側有怪石狀如鷄雞

咸淳志

按縣志作了髻峰非

金鐘峰

在鷄雞峰側

錢塘縣志

南高峰

在縣西十二里東抱西湖南俯浙江舊有塔在

其上

大清一統志

險峻甚于北峰中有墜石相傳云昔有道

者鎮魔于此

武林舊事

烟霞山之頂也晉天福中建塔于此湖

百咏

自九曜山西北五里許與北高對俯江面湖有潭曰

鉢孟有泉曰潁川有洞曰白龍曰天池曰千人曰無門

萬歷

錢塘縣志

其麓四出一由錢王嶺過大慈山一過慈雲嶺一落

石塢烟霞二嶺一過大小麥嶺落西湖

名山勝概記楊蟠南高峰詩日氣

層層秀連山萬丈孤崔嵬天上影一半入江湖郭祥正

南高峰詩岌岌穿南斗層層瞰下方揭爲湖海鎮半夜挂

朝陽方回南高峰詩遠望生愁陟降勞崢嶸翠堵據金

鰲今朝身到南山下漸近元來總不高王世貞游南高

峰詩從遊指點南高峰躡葛攀蘿興不賒晝裏餘杭人賁

酒鏡中湖曲棹穿花千岩半出分秋雨一徑微明逗晚霞

最是夜歸幽絕處疎林燈火傍漁家

慧日峰

在淨慈寺後

咸淳志

淨慈寺之主山也

萬歷錢南塘縣志

南

屏山之表空而中峙者為慧日峰今以寺後卷石刻慧日

峰三字謬矣

西湖游覽志

馮夢禎同秀壑諸公登慧日峰詩爭域隱南屏危峰標慧日自昔秘元賞

於今留講席琳瑯既觸口龍象亦接躔坐久失氛蘿放步
闕霽色憇臺紆勝引造峰恣遐歷石磴排雲微松濤韻風
密湖波表裏觀岩岫上下悉江外聯遙岑木杪娛高翼
忘味因禪悅遠矧得良集終期卜烟蘿于此課芝尤

雷峰

在淨慈寺前郡人雷氏築菴居之故名又謂之中

峰

咸淳志

有雷峰菴雷就故居也以其眾山環繞故又名中

峰林和靖有中峰行藥詩

西湖百咏引

回峰以山勢迴抱得名

俗作雷峰以回雷聲近致誤而淳祐咸淳舊志造一雷姓

者當之可笑甚矣

西河詩話

林逋中峰詩中峰一徑分盤折上幽雲久照前村見秋濤隔嶺聞

長松標古翠疎竹動微薰自愛蘇門嘯懷賢事不羣陳
允平雷峰小憩詩倚塔看明月寒光度玉繩曲隄藏小艇
疎柳見孤燈水竹映苔石岩花綠澗藤香雲吹散後猿鶴
伴高僧錢惟善四月十九日與李允魯子昇登雷峰詩
百轉鶯聲兩部蛙不知春色在天涯
綠陰千里飛紅雨濯錦江邊正浣花

按雷峰舊以爲雷就故居語出宋人未必無據毛奇齡
斥爲回雷聲近致誤未免臆說近人復據鄭樵說以爲
回卽古文雷字似舊志之說全然可刪皆好奇附和之
弊

迴耀峰 在雲棲寺後高峻插天其東岡爲寶刀壠再東
爲壁觀峰西南爲黃泥壠柏子尖蕭家塢雲山窈窕草樹

蒙茸絕幽勝也

錢塘縣志 沈澗迴耀峰詩遲遲日影漸
西流倒入空岩紫氣浮莫向桑榆愁暮

耀光長映碧山頭 張元忬壁觀峰詩觀心甘載坐蓮臺
不覺蒲團繡綠苔獨有孤峰常對面却疑少室又飛來

茱萸尖 下有石灰嶺金子衙舊志云茱萸尖石微赤以

色名石灰嶺以業名金子衙以人名由栗山至金子衙凡

五十里為南北兩山祖西南溯錢塘江定山界

錢塘縣志

慈雲嶺 在方家峪旁有後唐石刻篆書梁單閼之歲興

建龍山至湑灘之歲開慈雲嶺字

咸淳志

吳越寶大二年開

慈雲嶺 十國春秋 卽鳳皇山之後嶺自嶺西出卽南高峰

方輿紀要

楊蟠慈雲嶺詩落日愁飛雨雲中一線明西湖將盡處忽見大江橫釋曰理慈雲嶺詩仄徑攀蘿轉空山伐木

聞雨厓危石抱泉壑細流分晚竹含蒼靄春田幾白雲回看萬松裏惟有鹿麋羣

白塔嶺 在龍山之東

咸淳志

龍山兒頭嶺名白塔嶺有石

山川

塔存焉

夢梁錄

其下驛路有白塔橋印賁朝京程圖士大夫

往臨安必買以披閱

古杭雜記

登臨江上寺遷客特依依遠水欲無

際孤舟曾未歸亂峰藏好處幽鷺得閒飛多少天真趣遙心結翠微

五嶺

在龍山之北

咸淳志

按夢梁錄作五嶺子

梯子嶺

在方家峪南

夢梁錄

昇大年梯嶺樵歌詩樵路曲盤雲樵歌遠近同拾薪衝虎

過得果與猿分空谷聲相答幽林日已曛行行隨所適莫旁相君墳

按西湖游覽志作梯雲嶺

丁婆嶺

外抵錢王陵內接大慈街其山險僻相傳舊時

人跡罕到有丁婆者于嶺上建亭施茶接濟行人後遂爲

商旅來往通衢人因以名嶺

虎跑寺志 越丁婆嶺過范村詩晨策赤

山埠午越丁婆嶺巨壑延松光連峰蔽竹影踰橋蹊徑岐

超磴石路整揮汗霑荆刺側足踐藤梗岸冠凌空絕解衣

息平頂對谷飛鳥還近潭斜日靜林表霞忽依岩端江更

迴范村緩曳烟虎沙急移景幽人雖未遑塵務已信屏徘徊

然舉冲趣何須羨箕顓

然舉冲趣何須羨箕顓

樵歌嶺 歌樵嶺在大慈山塢

咸淳志

法雲畫上人指其嶺

之峻絕者曰樵歌嶺樂野事也

法雲十咏詩叙

歌樵嶺一名五字

嶺今俗呼樵歌嶺

西湖志

郭祥正樵歌嶺詩嶺下聽樵歌歌聲雲外過儘窮斤斧力不道得樵

多

按西湖志據咸淳志以駁今俗之訛而契嵩禪津集郭

祥正青山集皆作樵歌其名爲法雲畫上人所肇命禪

津集所傳當為正也

錢糧司嶺

在城西巡司前

夢梁錄

自南屏山而南過錢糧

司嶺吳越王建司于此以徵山課

西湖游覽志

一名錢王嶺在

寺西三里上有龍母井逾嶺有甘溪

爭慈寺志

烟霞嶺

烟霞洞南有烟霞嶺又楊梅嶺在烟霞南其地

產楊梅山徑一道甚平坦自石屋直達理安

錢塘縣志張穀光過烟

霞嶺詩修嶺高無極登臨望漸除山頭榮桂樹洞口飯胡

麻短笛驚飛雁長歌動落鴉淹留君莫問素志托烟霞

王相業下楊梅嶺歷十八澗詩霞洞存其名江亭久已隳

放眼只如此焉能久徘徊行行入杳靄嶺路穿楊梅林深

難見石翠合兩山隈蔭蘿隱山鬼幽谷生疑猜亂流豈勝

數百折猶縈迴澗響雜松濤莫辨所從來聽泉使人靜殊

不厭喧

風篁嶺 在縣西南高峰前嶺最高峻修篁怪石風韻蕭

疎因名龍井在其下 大清一統志 去府城西十二里宋蘇軾

探梅詩有問訊風篁嶺梅介亭詩有丹清明滅風篁嶺句

舊志 楊蟠風篁嶺詩微風搖琅玕蕭瑟嶺一道萬帶掃

晴空纖塵不可到 張翥陪劉時中遊風篁嶺詩山行貴

徜徉緩轡不可驅 天竺已幽阻風篁更盤紆前瞻乳竇峰

錯立石笋疎洩雲相蔽 野蒼翠幾態殊層梯俯山巔中豁

見西湖晴旻散遠雁秋色連平蕪陰厓湛坳泓直下龍所

都森突人上慄雷水止斯須泉流紫活活魚出開子子飛

霜未著樹綠陰尚紛敷 茲晨正佳節况得煦暖扶雙亭俯

澗谷列坐陳酒壺尚松風吹桂花香韵世所無 奉常老博士

幾載賜菜黃歸來北山南 同此寂寞娛我友二三子文采

珊瑚珠歡然隨所適 形迹安能拘窮探忘前期欲罷重脚

蹠浮嵐收不上屐底青模糊炊烟忽生暝落日棲啼鳥終

當借上方雲卧蘿月孤勿盡茲游興與君為後圖 張雨

遊風篁嶺詩清風一徑繞幽篁亂石堆中海氣涼坐想井

龍髯鬣古看如蘇子髯毛蒼銀瓶酒盡連峰暝金栗花零

徧界香我亦登高能賦
者今秋辜負兩重陽

麥嶺 大麥嶺在舊治西南到縣十五里其路通放馬場

舊多種麥因以名嶺

咸淳志

三台山而北爲小麥嶺西有支

徑可通大麥嶺蓋積慶山之陂陀迤邐者

西湖游覽志

大小二

麥嶺界乎南北二山之間

萬歷舊志

膳脂嶺 在九里松麴院路之西土色獨紅因以名之

咸淳志

仙芝嶺俗稱膳脂嶺下有瑞岡塢鷄子塢香葯澗綠筠

坡自北而南可達小麥嶺

西湖游覽志

今俗稱普福嶺

錢塘縣志

按膳脂嶺乃其本名俗訛以爲仙芝游覽志徇俗而反

以本名爲俗謬矣

葛嶺 在縣西北十二里西湖之北相傳葛洪煉丹于此

有初陽臺宋高宗卽其地創集芳園咸淳二年賜賈似道

第于西湖葛嶺卽此 大清一統志 葛仙常往來于此故得名

亦名葛塢 武林舊事 吾行聞蔣宏甫游葛嶺因寄詩海

中此丹藏碧山秀臺空白雲起何能鍊金沙往結浮邱子危

亭出空山葛公仙祠古松聲起元籟竹林散飛雨觀身嗟

浮雲傾觴慕霞舉吾將復朝陽人事遽如許 馬臻葛嶺

言懷詩湖上繁華已隔塵樓臺遺址野田春蘇隄飛絮無

多柳洛社工詩有幾人白石取殘山榮榮黃金銷

盡水粼粼葛公丹井依然在換却西邊舊日鄰

棲霞嶺 在西湖上一名劍門嶺舊多桃花開時爛然如

霞故名 大清一統志 又曰劍門關嶺之下有岳鄂王墓 咸淳志

若劍門然有水一道名桃溪經岳墳前入湖西湖遊覽志嘉定

中以張齊賢言詔臨安府劍門嶺毋得伐石以洩山川之

氣王牒初草釋紹嵩棲霞道中詩路僻間行遠溪將罨畫通飛泉高瀉月細柳亂搖風畎畝孤城外山川暮靄

中曠然忘所在心與白雲空

桃源嶺舊名馳嶽馳嶽嶺在九里松之東乾道志作馳苑嶺

咸淳志駝峴嶺俗謂之駝苑乃語訛也鐸津集駝嶽嶺卽桃源

嶺下爲行春橋萬歷錢塘縣志釋大善桃源嶺詩落花流水出山清疑有秦民避世耕松逕客尋

天竺近草菴僧伴白雲橫一灣碧澗秋蟾映幾樹紅桃春鳥鳴又恐漁郎迷舊路破雲開嶺放人行

石人嶺一名馮公嶺在靈隱寺西極高峻有石人卧路

旁故名咸淳志高六十二丈路曲屈如羊腸通西溪嶺下爲

石人塢湖山至此幽邃極矣

神州古史考

觀湖嶺卽石人嶺登

陟至頂睇西湖如在目前

西溪梵隱志

石人塢卽石人嶺之陰

塢口爲九沙

錢塘縣志詩散步入深林

吳雯清入法華山夜宿石人塢作秋暮幽逕引孤筇蒼

翠自成雨籬落烟火微樵斧響前路徘徊柔畝間閒閑得吾素竹逕通僧扉古木自盤互明月空谷中石人影相顧

按自石人嶺西北爲古粟山其路旁石人卽寔字記所

謂石杵也其石本不類杵故或以爲石柱或稱石人願

野王輿地志謂石濶二丈長一丈四尺蓋橫廣而縱不

及畧如卧狀云

東墓嶺 在靈隱之西去城二十里

咸淳志

東墓嶺通黃山

靈隱寺志

按宋憲聖太后父宣靖王吳近墓在此嶺下東墓之名

當由此

大青嶺

在東墓嶺之南

夢梁錄

嶺畔山田石澗逕竹岩松

窈然深秀

西溪百咏叙

白栗山西南二里曰大青嶺其西三里

爲趙塢塢底曰望江尖

西溪苑隱志

釋大善大青嶺詩

村草舍哺雞留筍母竹林思鳳養桐孫坐聽水碓餘千響遠望江湖露一痕幾片征帆隨月動遙遙天際出龍門

郎當嶺

在大青嶺之南

咸淳志

又名捫壁嶺上爲天門山

東通龍井南通五雲嶺半爲幽淙嶺俗名水出嶺與郎當

嶺接

靈慧寺舊志

李流芳過郎當嶺口占示汪無際詩

去年汪生到雲棲相戒莫翻郎當嶺今年我與翻郎當始知此山實奇穎是日風雲氣變幻兼之巖壑勢雄猛雲移日影千山來風入泉聲百道冷愛此盤旋忘阻折足

雖郎當意馳騁吾生浪跡詎可量太華終南有絕頂並山
耶當未足道誰為此名乃子微在生汪生幾誤君使我臨
風發
深省

徐村嶺 一名江擦子嶺在定山北鄉又礪馬嶺牛坊嶺

並在定山北鄉

咸淳志

牛滑嶺 在西溪之南望如濃黛周嶺民多豐厚故蔭養

松竹稠密不能通步

西溪楚隱志 厲鶚山牛滑嶺至龍門坑詩山腰多農家亦映山色

烟歸樵人溪光帶禪客樹道鶴垂鮮泉
鴻龍黎白愛此欲移居惆悵振輕策

荆山嶺 在縣西北四十里高三十丈長二里西達餘杭

界萬歷舊志厲鶚行田至荆山嶺下作詩大山何連延
細岑若迴顧中有微逕通兩村隔松霧平曠開朝日宿

麥半疑五雲根脉未洩涓流但微注行人籬落小鳴雞隱
雜樹雖無江勝書農話眷幽素稍營下梁業更羨上洞住

竹橋滑春霜
往來定非誤

龍門嶺 在縣西南四十里高百丈長五里西達餘杭縣

界

萬歷舊志

鮑家嶺 在縣西南五十里長一里坦如掌背東達官路

至富陽

舊志

滕村嶺

在縣西南到縣五十里

咸淳志

高十丈長二里南

達楊村路

舊浙江通志

石嶺 在神山東高一百五十丈長一里峻極人不易登

北達餘杭南通上埠又有軍嶺在神山西高一百丈長三

里亦達餘杭

萬歷舊志

分金嶺 在縣西南到縣六十里 咸淳志 平坦不高長十五

里近富陽界北達餘杭路有水東北行直達西溪 錢塘縣志

胡家嶺 在長壽鄉其嶺極峻峭有石井旱不涸 莫梁錄 去

縣治西六十五里高十丈長三里北達餘杭 萬歷舊志

狗頭嶺 在縣北到縣五十里 咸淳志 唐上元二年劉展據

常潤諸州作亂遣將孫待封自武康縣南山將攻杭州州

將李藏用使其屬溫晁自餘杭據狗頭嶺待封至敗而還

嶺蓋當武康南山之道也 讀史方輿紀要

銀子嶺 在縣北六十里高百丈長三里西北達餘杭界

舊志

峩野嶺

在大遮山東高二百五十丈長二里北達武康

界

萬歷舊志

石門嶺

萬松山西爲石門嶺嶺南爲唐家陡門蓄茗溪

水以溉田東三里有九度嶺西有金龍嶺皆北達武康

讀史

方輿紀要

石門嶺在唐山西高一百五十丈長二里東達仁和

北達武康東爲九度嶺西爲金龍嶺

萬歷舊志

界山嶺

在縣北七十里高一百丈長三里北達武康界

東達仁和界

萬歷舊志

錦塢

在上智果院前寶雲菴下舊多花卉故以名之

咸淳志

志

掃帚塢 在棲霞嶺宋趙經畧花園制置使孟珙購地建

護國仁王寺 成化舊志 在嶺坳東舊有黃山橋今廢 錢塘縣志

青枝塢 在九里松石板巷玉泉後山 咸淳志 南宋駐蹕繞

湖皆巷市故有石板巷之名 成化舊志 青芝塢在仙姑山西 錢塘

縣志 張翥同韓伯清飲青芝塢汎湖暮歸詩落日風花起寒波忽渺然山藏進雪寺岸蘢種水田醉眼輕浮世牢
愁入暮年若為湖一曲攜釣隱漁船 同貧夜入青芝塢
訪靜遠禪師詩雲合山根落照低亂峰無數客心迷黃昏
暗入松楸路何處鐘聲是虎溪

按青枝古之里名塢之名即因其里惟武林舊事作青

芝縣志因之當從咸淳志為是

水竹塢 在行春橋南舊有水竹之勝今為步軍司寨有

黃泥嶺在軍寨之南 咸淳志

巢构塢 巢居塢在靈隱西上為韜光庵唐韜光禪師結

茅于此 萬歷錢塘縣志

按靈隱志亦作巢居塢云許由夏則巢居或云巢父所

居故名攷游覽志又作巢溝塢唯五燈會元作巢构今

從之

葛塢 天竺山葛仙翁得道之所在今日葛塢 元豐九吳域志

方士葛孝先所居也 輿地志 晉葛洪亦曾居此 陸羽二寺記

詩此塢久無色何年朝太真曉耕雲下路猶恐是仙民 鄧祥正葛塢詩二葛繼成仙猶存煉丹處有時化鶴來徘徊

知去

按葛孝先名元吳赤烏時人游覽志謂之唐方士反謂
葛稚川于赤烏二年得道謨也郭氏百咏又有葛公石
徑今不知所在

楓木塢

在中下竺之間舊多楓木故名

咸淳志 楊蟠
楓木塢詩太平

雲外客行採老山中莫
嘆秋霜早君看世上楓

按塢今俗呼爲唐家塢爲南宋吳王益墳白珽賦咏吳

王之楓林卽此

永清塢

中天竺之對爲永清塢

西湖游
覽志

有棋盤石廣丈

許其平如砥老僧掃葉林中往往得石棋子

靈隱
寺志

楊梅塢

在南山近瑞峰石塢

西湖古
跡事實

法雲晝上人目其

山之谷曰楊梅塢別嘉果也

法雲十咏叙

楊梅塢在石屋西瑞

峰塢內

西湖百咏引

夏時

楊梅塢詩

南高峰下楊梅塢詩南高峰下楊梅塢詩南高峰下楊梅塢詩

生涯

朱葵尊楊梅塢詩我行楊梅塢惜是孟夏初是時果未熟但見柯葉舒思包糝荷飯五月來精廬

按塢以楊梅爲名西湖古跡事實又云內有姬姓金其

家楊梅甚盛所謂金婆楊梅是也蘇軾詩云莫共金家

聞甘苦參寥不是老婆禪事實之說本此此塢南竟白

鶴峰麓近于虎跑其東則爲石屋塢上爲烟霞嶺今俗

亦呼之曰楊梅嶺天竺靈隱二志載上天竺彌陀興教

院南獅子峯麓有楊梅塢蓋別是一地魏氏縣志牽合

之曰楊梅塢在上天竺近瑞峰塢誤

法華塢

亦稱花塢

由東嶽度甘澗泉古法華塢在焉塢居諸

峰之腹負郭背湖茂林深壑梅竹森秀內之誅茅安禪者

二十有四所

西溪梵隱志龔翔麟花塢詩薄暝別黃山徑投花塢宿僧廬如蜂房一一級岩谷行過

藕香橋新月挂林木

木塢

一作穆塢

在西溪中

咸淳志

山自龍門黃梅來而為穆塢

盡于秦亭

西溪梵隱志望餘杭諸山詩參連久氣佳

桑調元晚出東穆塢度金山嶺

淺凝凝晚髻施新髮轉面烟螺橫離立更位次雲中白道紆疎松小如簪却沿花溪遠橋崩春水駛笠夫導客前一

竹人空翠登嶺建高饒他山藹隣北岩源溯天目初祖兒孫媚彷彿洞霄宮青霞蔚奇意際天萬雲繚只只收盈視

卧壠石辟邪憇坐雙脚跛何方送飛雨灑袂忽而至

雲棲塢

在五雲山西一里舊有雲西寺

萬歷舊志先是五雲

山有五色瑞雲盤旋山頂已而飛集西塢經時不散又名

塢曰雲棲

雲棲蘭若志

歲寒厓

一作歲寒岩

孤山歲寒厓石壁有字刻嘗摩蘇讀之

云郭令公歷中書二十四考廣成子住崆峒萬八千年

兩湖

塵石壁陡絕蒼蘚剝蝕中隱見篆書歲寒岩三字下疏郭

令公云云相傳爲蘇長公題

西湖游覽志

丹厓 過合澗龍迹二橋自丹厓緣石門澗趨冷泉亭是

間厓石瓌怪如刻削乍觀爽然也

武林山志

郭祥正朱厓詩彤霞貫來久赤石

異諸厓月照夜光發風深雲霧埋

按朱厓爲西湖百咏之一當卽契嵩所謂丹厓也此古

飛來峰段落之異名與南屏山幽居洞左稱丹崖者別

千丈崖 從西溪入四十里至橫山千丈崖蹲獅躍豹怪

石離立飛瀑陡下緣坡平處可班坐陳榼命飲

六研齋筆記

梅巖 在龍華山宋郊壇側

錢塘縣志

虎頭岩 介于寶岩定業寺後山葛澧錢塘賦云岩則虎

頭相傳此山舊有巖石突出如虎頭也

咸淳志

武林山自靈

隱頓伏至儀王墓後若虎昂首領下石隱隱有斧鑿痕故

老相傳吳越納土後太祖命鑿破之或又謂高宗嘗占夢

爲虎所驚因詔鑿焉未知孰是

四朝聞見錄

玉女巖 靈隱山南有玉女巖

咸淳志引顧野王地志

靈隱山南有

一石狀似人形兩髻分明俗謂之女兒山

太平寰宇記

玉女岩

在飛來峰頂一名女兒山一名新婦石岩下石罅有水如

玉女潭也

神州古史考

郭祥正玉女岩詩投壺非有術掣電亦無心月下與誰語雲來自布陰

按此跡今雖無考而在靈隱山南則顧志與樂記合其不當求之山北明矣明嘉靖浙江志乃謂栗山有玉女岩萬歷舊志遂云石人嶺宛如人狀雙髻聳然下洞府名玉女岩嗣後各志無不列此岩于石人嶺下惟古史攷及靈隱志云在飛來峰頂爲與山南字合又云一名新婦石攷咸淳志別有新婦石在錢塘縣東南則方位不同其說亦難深信

日月岩 在香林洞左旁為謝靈運翻經臺錢塘一圓如

日一半彎如月靈隱寺志

青林巖 顧夷吾山川記云靈隱山有青林岩其上皆儲

桂凌冬不凋故其林常青咸淳志射旭洞一名青林岩靈隱寺舊

志楊蟠青林岩詩鳥外無行跡寒林引薜蘿山中僧已老不信雪霜多

按此岩在理公巖南穿巖則至下天竺路古但名青林

巖明方豪始稱射旭洞靈隱寺志又謂即理公岩亦誤

理公岩 昔慧理宴息于岩下陸羽二寺記在天竺山靈隱寺

之右有僧于岩上周迴鑄小羅漢佛菩薩像慈雲法師所

謂訪慧理之禪岩弔客兒之山館是也咸淳志岩下通人往

來淳祐中主僧行果始作閣道屬岩中以祠慧理西湖百

理公燕寂之所又名燕寂岩靈隱寺志周伯琦理公岩

燕寂焉在錢塘虎林山天竺招提之東玲瓏幽邃竹樹岑

蔚至正九年上人慧菖居觀堂起廢緝敝爰開是岩野窵

絳復霽如堂皇雲涌雪積發洩靈蘊後七年左丞綏寧楊

公之弟元帥伯顏清暇遊惕快奇樂靜捐金庀工載鑿岩

石刻千佛及補陀大士像金碧炳赫恍躋西土冀邀福惠

壽我重親利我軍旅冰釋氛沴永奠方岳岩之異勝誕增

于昔爲虎林奇觀實苴公執行精愍有以致之居叻號曰

菩薩蓋非夸益天竺和尚允若師臘已八十與苴同志猷

文示久乃篆諸石浙省叅知政事番陽周伯琦伯溫記并

書楊蟠理公岩詩日聽岩前鳥秋來不復聞達人今已

化名繫此山雲貝瓊理公岩詩山僧住上方高處更蒼

蒼不雨雲烟墜長春草木香削成看小朶幽絕疑空桑漫

識踟躕跌處白猿今亦亡陳贊理公岩詩蘿龕會結傍山

根聞有於菟爲守門施食臺荒風自落翻經人去石猶存

雲遮湖上山千疊月照岩中像一尊

隣寺今餘幾僧在數聲清磬送黃昏

按游覽志亦謂理公岩一名青林其誤與靈隱志同縣志西湖志皆已指正之茲不復及

歡喜巖

在慧日峰下

錢塘縣志

王會祥歡喜岩詩何

判鬚眉亦稍具一若謹相迎一若通款素遲遲擬偕行欣知合趣我與石丈濶春秋凡幾度洗眼復自今開顏如遇故閒雲欲延客野花愛留步與丈訂石交永願此間住

佛手岩

烟霞洞有岩曰象鼻又有石垂下若手曰佛手

巖

咸淳志

岩有石筍五枝如手節下指故名佛手又有落石

岩在佛手岩右

萬歷舊志

冷水峪

在嘉會門外夾山多桃花下有流水為城南勝

概舊呼桃源游人多集焉

咸淳志

黃頥之觀冷泉峪桃花詩石家步障久成塵移作包

山一段春惆悵日斜原上路年年紅雨打行人陸可教
桃花峪詩行行指青冥路入桃花峪夕陽寫山貌蒼翠如
可掬初聞流水駛漸見澄潭綠雲影疊空明波紋綉輕裁
水髮細于毛石理明如玉百尺清見底澄泓瑩心目儵魚
何歷歷穿流若逝鐵愛此堪濯纓何
當謝塵俗隔林聞吹犬擬就桃源宿

按羅隱杭州羅城記作冷水源嘉靖浙江通志作冷泉

峪

方家峪 在錢湖門外路通慈雲嶺梯子嶺咸淳志唐以前

峪中林莽茂密間無人居實南山一與區也入五代至南

渡則方氏與山民錯居梵刹與琳宮鱗次淳熙雪霽同僧虞

孺弟散步方家峪詩雪澗明寒峪相携漫出門首塗趨遠

岫回顧見家園買宅餘逸老窺泉登壞垣無筇倦須近笑

語協
虞墳

按耐得翁都城紀勝作方家谿

連巖棧 連岩棧伏龍棧皆靈隱山前澗中怪石之狀陸羽

二寺過石門澗之南為連岩棧今廢咸淳志今飛來峰頂石

級猶存白子佩原志謂連雲棧與伏虎棧皆峰麓奇石靈隱

寺志貝瓊連岩棧詩危棧梯空上人行杳靄中陰應踰鳥道幽已出龍宮日月三天近風雲一徑通何時倚飛翠

極目送孤鴻

伏龍棧 伏龍者連岩棧之次也咸淳志伏虎棧為澗中奇

石後為朱劬取去靈隱寺志郭祥正伏龍灘詩潭心有伏龍忽溜和雲濺頭角何時成願借風

雲便

按鄭戩靈竺集叙以此作龍鴻考司馬光類篇湧泄水

門南史有石潏似當以潏名為正西湖百咏作伏龍潏

武林山志作伏龍洪唯白珽賦作伏龍潏

金峴 栗山石杵西有金峴前記云古于此採金太平寰宇記

按太平御覽引錢塘記曰縣東南有峴山長老相傳採

金於此又引吳地記栗山西有金姥山故老言古于此

採金其引書雖殊事蹟相合今無可考

瑪瑙坡 地有碎石如瑪瑙故名成化舊志在孤山之東西湖游覽

志董嗣杲瑪瑙坡詩支徑逶迤混碧苔樹根積水沒蒿萊兩坡截路莽分處何日經人斧鑿來誰說異光迷草野

要知遺蹟等塵埃孤山无磔會聞道說與貪夫莫浪猜

青壁檻 玉岩青壁崖泉龍潏峯攢千疊松盤萬蓋山之

境也

鄭戩靈隱天竺集序

郭祥正青壁檻詩仙家

青壁檻未見靈花發我欲提碧壺來斯挹明月

按此當是山岩橫亘之石雲林寺志稱青壁澗不知何

據崔顥游天竺詩有青壁石林杪之句則當在靈竺之

問

褚家坎 在金鐘峰下以漢末褚氏居此得名

武林舊事

哇哇宕 在昭慶寺後有石池深不可測峭壁橫空方員

可三四畝空谷傳聲有如小兒啼焉

西湖夢尋

參差有三石池

似開鑿而成中一池石壁高廣云是龍湫游其間者小語

小應疾語疾應

湖孺雜記

靈化洞

在郊臺天真院山頂深百餘步直下澗十餘丈

又登雲洞亦在天真院山內

咸淳志

天真院有二洞扁曰登

雲曰靈化

夢梁錄

瑤華洞

在龍華山南石壁刻云皇祐元年度支員外郎

蘇舜元立名

錢塘縣志

棲霞洞

在棲霞嶺巔妙智菴側其地向多岩石蔽翳榛

莽中賈魏公來游望而異之命施舂鍾條見奇狀抉藏剔

幽千態溢發遂于洞外爲二亭曰陽亭曰淪俗

咸淳志

吳太冲棲

霞洞詩棲霞石骨真幽絕坐久鮮風吹客衣紅雨似潮聽

不厭青泥如髓見曾稀傍厓古樹垂垂發深洞仙禽肅肅

飛我愛雲蘿一片月

夜長爭弄月華歸

紫雲洞

在棲霞嶺上其地多石其土剛燥日剗月鑿倚

空如懸

成化舊志

高二丈餘石色如暮雲凝紫下爲懶雲窩郡

志謂卽棲霞洞誤

錢塘縣志

沈周紫雲洞詩天地不秘

局翩然招玉童導我探窅冥高歌振逸響側足履落星下有古靈泉天光汎清冷酌之可不死聞世齊冥靈莊起

元紫雲洞詩石室何寥廓蜿蜒信地靈洩雲終古白艷草自然青軒帝藏神鼎淮王貯道經儵然來物外思鍊羽人

形陸堦紫雲洞詩二首鷺山分杳嶂古洞繞烟霞隙地窺天小岩前倚樹斜澗毫承石溜拂紙落松花倘復迷歸

路桃園卽是家斷嶺峰仍合懸厓地欲傾蒼苔迷白石廢園刷黃精日就空岩墮風從狹澗鳴忽聞山磬發靜坐悟

無生一澗沿花去澗盡忽逢雲宿處藤蘿日月莓苔今古撐得

青天住陰陰石磴迷仙鼠百尺虬龍向人舞足下分明聞客語沾衣空翠濛濛烟霧忽作山中雨

金鼓洞

棲霞嶺北有金鼓洞昔人伐石其間聞金鼓下

作乃止

西湖游覽志

在嬾雲窩之頂覆石如屋中有小龕可坐

西湖覽勝志 金志章金鼓洞詩飄渺野鶴林高出衆木
上石洞何咭呀鬼斧劈千丈不聞金鼓聲但聽流泉響

按宋濂撰沈仲和墓志有城西金固山疑卽金鼓巽文

黃龍洞 護國仁王院洞在掃帚塢有泉出洞中淳祐八

年旱禱而雨

咸淳志

無門洞在棲霞嶺後宋淳祐間僧慧開

字無門嘗說法隆興之黃龍山後卓錫于此有石谿研不

合忽雷聲震地劃然出泉人以爲龍隨錫至因名黃龍洞

洞巔有巨石挿空慧開命工刻已形以飛雲隱其足緣背

光燄鑿龍首蟠繞前施几案皆就石勢鐫成且私祝曰願

後有身等此及遷化托生錢唐孫氏仍出家受具足號中

峰和尚

名勝志

黃龍洞一名無門洞又名天龍洞

錢塘縣志周文璞

黃龍洞詩一自負圖與負舟天公閣之居靈湫重障胼手
人不作蒼苔古木兩漠漠朝來石磴鱗鱗濕如覺蜿蜒爲
人出甘霖未甦焦卷
多相候吳雲莫相失

按潛志但謂之護國仁王院洞故吳自牧云不載其名
據周文璞詩則黃龍之名已稱於宋矣武林舊事有天
龍洞云道者無門所居天龍二大字宋樓鑰書以贈慧
開不知當時何以亦名爲洞今黃龍洞去慧開所斲石
像半里餘或謂山林大勢總爲一名分言之當別爲二
嶺上石穴出泉者乃黃龍洞卽潛志云護國仁王院洞
像下低坳處別有小洞今已築塞而跡尚存爲無門洞
卽武林舊事所云天龍洞也此說近是附以備考

龍泓洞 在天竺山理公岩北世傳洞徹浙江大清一統志

靈隱山有石穴傍入行數十步有清水廣丈餘昔有人

採鍾乳水際見異跡或云是龍迹聞穴裏隆隆有聲便出

不識所採遠近

太平御覽地部藥部引錢塘記

一名岩石室晏元獻公云

吳赤鳥二年葛仙翁于此得道輿地志云有石洞徹浙江

下過蕭山有採石乳者入其洞聞波浪聲後有人就洞雨

畔鑿住世羅漢十六尊王隨寄慈雲詩丹井經臺接岩洞

謂此或云龍泓洞卽壽聖院龍井非也

咸淳志

洞壁舊鐫羅

漢郡志稱羅漢洞因此

錢塘縣志下龍潛神在

梅詢龍泓詩矯矯洞

沙可長處陰厓寒氣腥峭壁烟痕古何當救旱暵奮起爲霖雨貝瓊龍泓洞詩遠通羅剎國近接梵王臺海客然

犀入山人採乳回林間無日月地底有風雷聞道蜿蜒去
寒潮自往來釋來復靈隱羅漢洞詩天竺飛來不記年
龍泓西與鷲峰連鑿開混沌疑無地行到空明別有天丹
桂曉從雲外發黃猿夜向月中懸神通尊者應忘世容我
山瓢煮
澗泉

按方輿勝覽謂飛來峰爲葛仙得道之所與晏公說合
蓋洞在飛來峰下亦得舉峰以言之也秦觀作龍井記
乃以葛仙事移屬于彼潛氏所辨其卽指觀歟萬歷舊
志有羅漢洞靈隱志有玉乳洞與此洞並載者誤寺志
云玉乳洞一名巖石室一名羅漢洞葛孝先于此得道
卽爲龍泓無疑而游覽志西湖志亦兩存之今峯下此
洞外惟理公青林二巖更無他洞可當玉乳名者

呼猿洞

一作呼猿澗

在飛來峰下其洞有路可通天竺

方輿勝覽

西僧慧理畜白猿于靈隱寺遵式詩云引水穿廊走呼猿

繞澗跳澗側有飯猿臺寺僧舊施食于此

咸淳志

宋僧智一

善嘯有哀松之韻嘗養猿于山間臨澗長嘯衆猿畢集謂

之猿父

陸羽二寺記

洞卽慧公驗飛來峰處六朝時僧智一畜

猿于此洞門甚狹內廣堂皇冥如長夜舊志云呼猿洞可

通中竺今中竺之後填闕山勝後門已不可得也

靈隱寺舊志

李紳言杭州天竺靈隱二寺多猿狖謂之孫團彌權德輿

贈二寺主云山僧半在中峰住共占清猿與白雲今山寺

宛然白雲如故所欠者惟清猿耳

暮塘詩話

梅詢呼猿澗詩古澗飛白猿寂歷

不知處風激石上泉僧疑月中樹微茫認松
雪彷彿橫樵路寫望增幽思蒼蒼奈烟霧

香林洞 下竺岩下石洞通人往來出茶號香林茶

咸淳志

洞在神尼塔西日月岩左舊名香林洞又名香桂林

西湖百咏

引 楊蟠香林洞詩百年樵斧外留
得挂寒猿不奈西溪水流香出洞門

按其山卽飛來峰之陽也巖石玲瓏不減冷泉宋史彌

大遊記述下天竺之勝皆指香林諸洞而言在南宋時

已稱勝地矣

天池洞 在南高峰之南山半石筍躍起虛架壁上其上

有穴溜水旱潦不加盈涸池下卽洞深邃莫測

萬歷舊志

千人洞 在天池洞右山竇僅六尺許漸進漸廣相傳昔

里人避難于此今瓶甕陶器尚存

古今圖書集成職方典

水樂洞 在南高峰西烟霞嶺下

大清一統志

舊爲錢氏西

關淨化院四望林巒聳秀岩石蟠峙有洞虛幻淳涵如淵

泉味清甘與龍井埒洞中有水聲如金石熙寧二年守鄭

獬名之曰水樂洞後二年東坡來爲倅遂賦詩近歲施宿

父子注坡詩引志林謂錢唐東陽皆有水樂洞此詩爲東

陽令王都官作按詩中語多情海月空留照遺聲恐在海

山間若婺之東陽介在萬山鳥覩所謂海其指錢唐岩洞

甚明蓋此地隸東陽村猶風水洞之在陽村也

咸淳志

水樂

洞音如琴筑音節天成以路僻人罕知者

二老堂雜志

繞洞皆

奇石有泉滴洞中鏗然作聲故名

各杭口記

潛說友力辨坡公

詩應屬錢唐云此地隸東陽村今考水樂洞地無此村名

而王梅溪輯注蘇詩題下載公自注云爲東陽令王都官

槩作起句君不學云云其爲屬王都官無疑因賈似道得

此詩真蹟摘詩中字句以名其亭館而潛氏附會其說爾

西湖志 王炎游水樂洞詩路向峰腰轉泉從洞口來決

渠飛瀑布伐石作崔嵬勝境難頻到幽懷只暫閑登臨興

未盡日長故須回 姜夔和韻自有瀛洲客須因野趣來

解衣吟寂寞攜酒上崔嵬石洞山山秀桃花樹樹開只應

岩下水相送上船回 任希夷水樂洞詩萬舞列帝所九

韶奏虞廷羣公拱北星斗光熒熒茲辰適休沐聯騎來

郊垌愛此一泓玉中有太古聲細響叶宮徵大音希咸英

自然天籟鳴獨許幽耳聽鎮以潛虬虛衡以石獸惇佳哉

樂茲游歡言舉彼觥誰與昔經始今已歸明廷巨麗所未

覩竊渺真難名健筆哦五字當代推善鳴清幽極摹寫細

讀令人醒 徐集孫水樂洞詩路穿岩竇折羊腸處處亭
臺御墨香流水不隨人事去尚餘絲竹舊宮商 楊載游
水樂洞詩常聞勝地宅仙人如此淵泉必有神子晉重來
元鶴舞琴高初化赤魚馴岩排利劍鉤鐔古水象鳴球節
奏鈞自有山僧能解
語只今休厭往來頻

按劉炎通言志見云西湖水樂洞泉激溜如湓蹄石累
參如飯砂游者駢肩接跡嘖嘖詠歎何也務小智者忘
大巧樂人僞者昧天成也杜範游洞詩豁舒開石洞下
有清淺流惜哉非古樂噴薄皆人謀合觀之此洞似非
天成然越五六百年完好如故何歟

烟霞洞 在縣西一十六里中有石刻羅漢旁有佛手岩
大清一統 趙抃同毛維瞻度支游烟霞洞詩洞有烟霞
志 寺挂牌武林奇處稱吟懷出城旌騎非虛往

司里交朋喜得偕鷓首西征隨浪遠雁行南過入雲排
隆魏闕朝天日寒曉鳴珂上禁街周紫芝早發北山由
麥嶺傾六通登烟霞閣詩瀕湖雨峰高屹立曉相望蒼涼
升海日翫骭露千嶂羸驂絕坡陀岩谷飽追訪緬懷洪荒
初蘊蓄含萬象混沌久已死倏忽真巧匠誰令鑿空手出
此奇嶮狀中虛納浮雲谷靜答幽唱暗穴下無底濤聲想
悲壯十八老聲聞附石出遺像誰其駕修椽置屋雲雨土
青山不知數繞屋森百丈忽于兩峰間萬頃見烟浪澎湃
海潮聲往往入藜杖天公愛此山令我拜嘉貺眇焉隔仙
凡欲往慢偶悵便當學枯禪綺語獨宿妄自足伴周旋長
年此還放邱處機烟霞洞詩白石磷磷繞洞泉蒼
松鬱鬱鎖寒烟碧桃花發朱櫻秀別是人間一洞天

石屋洞 在南高峰下水樂洞後洞色蒼翠其實深窈若

螺形直下極底有泉 大清一統志 大仁院有石菴天成曰石

屋洞其洞後又一洞曰蝙蝠洞 武林舊事 徐集孫石屋

字則偶來游石屋却喜見香山閣峭寒雲護巖深野水閒
坡仙留墨在姓字有無間 仇遠游石屋洞詩誰擘空青

露石均游龍伸臂下南高鬼神穿鑿地脉碎風雨支撐天
柱牢峭崖蒼古侵佛髻懸厓滴乳濕僧袍如藍聞是香山
叟燈暗祠荒沒野蒿王璉石屋洞詩鑿石焚園菴結構
因巖谷危梁琢舊珉濕磴栽寒玉梵相終無壞明燈自相
續照斷青山根白雲常在屋朱葵尊石屋詩大仁院北
巖窪中若廬旅傾厓滴石隨白日掠仙鼠鑿佛大小軀莓
苔色黯阻置身井谷中窺天可倚杵剔蘚辨留題各自命
儕侶試觀咸淳書筆縱字尤巨白雁雖未來邊烽已先舉
奈何平章賈志不在疆圉貪領狎客游子弟共容與嫉惡
性所同見者費熏煮不靚眉山翁拂石掃雞距愛惜爭摩
挲馨鼎硬黃指洞門石扇開幽探少樺炬慮拔千歲蛟疑
然不敢詔山南殷其雷驟雨沒沙渚偶坐贊公房夕陽滿
楚平

蝙蝠洞 在烟霞石屋洞後內多蝙蝠因以名之故老傳

云洞極深廣無泉宋建炎時里人避難于此

成化舊志徐以泰蝙蝠

洞詩路迴起陰風山仄劈神斧入門首孤昂窺穴身數
俯欲燃雙炬來恐驚千歲羽杜鵑花色殷錯認紅蕉樹

鐵窓櫺洞

在惠因澗

西湖古跡事實

洞口高數尺舊有蛟龍出

入人畏焉鑄鐵窓櫺嵌于石槽以拒之水自窓櫺出六月

如冰過慧因寺前折入西湖大旱不竭

咸淳志

蓮花洞

在淨慈寺後上刻蓮花洞字前爲居然亭

萬歷錢塘

縣志洞無頂直似屏風曲折可導人委宛入觀爲延壽師講

蓮花經處故名

淨慈寺志

趙維垣登蓮花洞詩秋風放

佛性僧棲巖裏接天居近池裊裊芙蓉出隔岸依依楊柳

疎坐對夕曛翻貝葉詩成還爲遠公書

吳本泰蓮花洞

詩佳石龍從繡古苔雲波縱縱紫蓮開

幽居洞 在淨慈寺西壑菴之上俗稱仙人洞洞門若垂

簷登山者取徑焉

錢唐縣志

相傳葛仙翁修煉之所

淨慈寺志王曾祥

杭州府志

卷十五

五

幽居洞詩風昔慕幽居卜地苦未得豈知南山陲自有萬
古宅生成途徑深迴與塵囂隔攀援藉白雲帷屏列青壁
細草下平鋪輕烟上長蘿中間敞石牀綽可布藤席琴尊
正不廢坐卧尤甚適勿謂此無隔曦暉透穴隙勿謂此無
戶步履出林側棲寄願所憑適迴日已夕人生
獲異境要須謝物役無使山之靈移文笑逋客

華津洞

本趙冀王府園水石甚奇勝有仙人碁臺

武林舊事

方家峪有華津洞在土神靈固廟後自廟抵山麓有洞門
上刻三字徑尺餘殆宋人書相傳舊有水泉直通前洞因

土人開地置土其中遂塞

兩洞塵談

觀音洞

在方家峪鳳山之陰內有觀音石像

淨慈寺志
秦觀觀

音洞詩匹馬驕嘶石路斜觀音洞口踏烟霞普陀風景差相似只欠湖音小白花

風水洞

在縣南二十里

大清一統

志

洞極大流水不竭頂

上又有一洞立夏清風自生立秋則止中多小石紅點如

丹持出卽隱置于內如故咸淳志在楊村慈嚴院側舊名恩

德洞上洞清風生下洞流水不涸西湖游覽志白居易

月到杭州明年秋九月始與范陽盧賈汝南周元範蘭陵

蕭悅清河崔求東萊劉方輿同游恩德寺之泉洞竹石蕭

甚久矣及茲目擊果愜心期因自差云到郡周歲方來入

寺半日復去俯視朱綬仰睇白雲有愧于心遂留絕句雲

水埋藏恩德洞簪裾束縛使君身暫來不宿歸州去應被

山呼作俗人林逋風水洞詩平昔嘗聞風水洞重山複

水去無窮因緣偶入雲泉路林下先聞接客鐘蘇軾往

富陽新城李節推先行三日留風水洞見待詩春山磔磔

鳴春禽此間不可無我吟長路漫漫傍江浦此間不可無

君語金鯉池邊不見君追君直過定山村路人皆言君未

遠騎馬少年清且婉風巖水穴舊聞名只隔山溪夜不行

溪橋曉溜浮梅萼如君繫馬巖花落出行三日尚遲遲妻

孥怪罵歸何時世上小兒誇疾走如君相待今安有蘇

轍風水洞和子瞻詩風送江湖滿洞天洞門可聽入無緣

士囊鬱怒聲初散石齒聳牙勢未前樂奏洞庭真跌宕歌
傳帝所亦清便何人隱几觀遺韻重使顏成問嗒然張
商英風水洞詩嶺頭松竹自生寒兩穴茫茫徹鬼關風竊
虎威時弄草泉欺龍睡故離山不嫌浙瀝驚人耳聊挹清
冷洗病顏窓外月高湘簾冷更無閒夢到人間司馬慙
游風水洞詩藤梢蔓荒寒薜花蔭空青窈窕石竇中兩耳
風雨并初聞聲蕭騷活火急銅餅再聽逗餘響萬羽起寒
汀我疑此山空石脚連滄溟中有蛟龍鬣鼻息隱雷霆又
疑仙翁去丹竈留巖扃至今爐鼎中水火爭不停山前老
比邱霜眉眼如螢能傳古老語濯吾耳斯醒便欲慰塵凡
脫拔隨
爽靈

白龍洞 在崇化鄉大雄山故老相傳有白龍藏于洞
淳咸

志

按蔓梁錄亦云錢唐崇化鄉有白龍洞萬歷志大雄山
下稱白龍潭又別識白雲洞云在大雄山蓋白雲乃白

龍之訛潭卽洞也

羅刹石 晏公云近秦望山東南有羅刹石大石崔巍橫

截江濤商船海舶經此多爲風浪傾覆因呼爲羅刹每歲

仲秋旣望必迎潮設祭樂工鼓舞其上李建勲詩曰何年

經禹鑿半里大江中羅隱詩曰羅刹江邊地欲浮咸淳志杭

州連歲潮頭直打羅刹石吳越尚父俾張弓弩候潮至逆

而射之由是漸退羅刹石化而爲陸北夢瑣言白居易詩徵之重謗州居其

落句有西州羅刹之語因嘲遊石聊以寄懷君問西州城

下事醉中疊紙爲君書嵌空石面標羅刹壓捺潮頭敵子

胥神鬼會輒猶不動波濤雖打欲何如

誰知太守心相似底滯堅頑兩有餘

岑石 越絕書云天漢五年四月錢唐浙江中岑石不見

到七年岑石復見岑石長一丈四尺南北廣六尺東西廣

尺六寸似亦羅剎石類

神州古史攷

壽星石 古塔山北有落星二石

郡國志

在錢塘門外巨石

山南嶺謂之青山頂有二圓石湖中望之若星墜焉

咸淳志

二浮石大約數十圍一在山上二在山之北原錢氏封為

壽星寶石

咸化舊志

壽星石舊名落星塊然無根望之如斲

西湖

游覽志 故老謂吳越亦嘗改元而求其事迹不可得旁採諸

書獨得其封落星石為寶石山制書稱寶正六年辛卯耳

五十六史列傳

按劉道真錢塘記所云石饒即此石蘇軾送南屏讓師

詩叙云師聞子游落星遠來設茶周文璞詩子規欲歸
歸未得啼向錢王壽星石皆謂此

王子高石

在北郭稅務側驛亭上

咸淳志

錢塘縣尉司相

傳王子高舊居也有片石周益公字之曰奇俊

武林舊事

秦皇纜船石

自錢塘門至秦皇纜船石俗呼西石頭

陸羽

武林山記

石在錢塘門外相傳秦始皇東游泛海艤舟于此舊

云西湖本通海東至沙河塘向南皆大江也故始皇于此

纜舟

咸淳志

或云此石下通海眼

武林舊事

僧思淨見時過多寶

山下作念曰異日當鑄此石爲佛其後遂肖彌勒之像

張橫

浦集斷橋裏有梵宮以石刻大佛金裝名曰大佛頭正在秦

皇纜船石山上錄夢梁宋宣和中僧鑿此石爲半身佛又名

石佛山錢塘縣志郭祥正秦皇纜船石詩秦皇昔觀海此石繫樓船錦纜已無迹蒼蒼昏野烟

按葛澧錢塘賦石曰纜船隱士隱士石未見前志和靖

集有咏林間石詩或時人卽名此石以隱士耶葛賦中

所稱湖山間地如外圃山衣眉嶺定箭池之屬今皆無

考

聽泉石在靈峰山澗壑之間萬歷舊志嘉靖丙申山人張萬

言棲迹靈峰披荆得泉又得聽泉石蓋舊物也石厚盈尺

方廣幾丈舉之層厓之下而置之懸流之上爲命名周詩

集方九叙秋日游靈峰訪張山人不遇憩聽泉石詩岩棲世味冥斯久俯清渚詎云知我希因慨流光駛杖策一

招之獨嘯深谷裏徘徊
景欲頤歸人靡旋趾

三生石 在下天竺後山唐李源與僧圓澤善澤再生相

遇于此

大清一統志

源與圓澤相約游蜀中我眉山舟次南

浦見婦人錦襦負瓮而汲圓澤曰此吾托身所也婦人孕
三歲矣吾不來故不得乳今既見無可逃者後十三年中

秋月夜當與公相見于杭州天竺寺至暮澤亡而婦乳源
後十三年自洛適杭見葛洪川畔有牧童菱髻騎牛歌曰

三生石上舊精魂賞月吟風不要論慚愧情人遠相訪此

身雖異性常存拂袖入烟霞而去

太平廣記

自下竺寺右狹路

逶迤入凡一里餘始得之石高三丈許徑七八丈翠嶺巉

削黥蒼錮苔洞嶺中穿雲氣蒸出如細霧中小凹處可容

五六人坐石之陰鐫曰三生石刀畫若新陟石尋徑上過

山脊卽靈隱寺也

溪書釋修睦三生石詩聖跡誰會得每到亦徘徊一尚不可得三從何處來

清宵寒露滴白晝野雲俱應是表靈異凡情安可猜程

鉅夫石上三生圖詩巫峽三聲斷王城一夢回坐橫牛背

穩不道
故人來

按甘澤謠亦載此事僧名作圓觀與廣記異

卧龍石 在石門澗或云在下天竺寺草堂前慈雲法師

詩梅有和羹實龍無行雨心石上產梅故云

咸淳志楊蟠卧龍石詩

歲旱須神物皆疑石有名
卧龍今不起長負澤邊情

神運石 石高可六尺許奇怪突兀正統十二年中貴李

德駐龍井屬旱令力士淘之初得鐵牌二十四面玉佛一枚金銀各一錠上鑿大宋元豐年號次得茲石以八十人挽出之上有神運字其旁多欸識漶漫不可讀不知何代所鑄也繼又得鐵牌十五面銀二條上鑿吳赤烏年號蓋皆投龍以祈雨者其日黑雲四匝泉頭洶涌德懼而止舊志神運石特立簷下有木香一架穿繞竅實宛若蛇蟠西湖游覽志

一片雲石 風篁嶺上有片石高丈許青潤玲瓏工緻萬

狀亦呼一片雲

名勝志 王穉登一片雲石詩片雲零落此峰前神女空回意渺然萬壑風生吹不散

羣山日落自相懸溪邊水過長流影洞口龍歸誤與還詞客品題應不盡幾時移榻對君眠 朱熹尊片雲石詩

峰頂石縹緲豈異一片雲有時風雨過
獨立雲中君安得五丁手移置長水濱

按此石相傳爲趙抃施供于壽聖院者張雨方圓菴觀
五賢像詩清獻薄鬚眉示我鐵肺肝尚餘所施物片石
脩而寒是其證

薩埵石

昔人伺虎以度有情薩埵石也

楊傑壽聖院記

詩解虎錫常開伺虎石常在忘軀度有清風幾千載
釋元淨薩埵石詩巨石如掌平兀然半青嶂欽哉皆道人
伺虎茲

巖上

按梵典薩埵華言成就此在龍井東綠垣外大路右亦
稱伺虎石土人訛爲避虎石

獨秀石

亦名獨怪今慧日峰陰穹然傑峙橫如琴几者

當卽是也

淨慈寺志

釋契嵩獨秀石名解某既名獨秀

謂怪石者必以其詭異形狀類乎禽獸人物而謂之也茲不超拔數仞巍然特立頗似正人端士抱道自處凡物之稟秀氣而生者其所樹立必巖然超出其羣吾所謂獨秀者意特如此苟以怪石名之彼衆人者自能命之何待不臆始名之耶

新婦石

祥符志云在錢唐縣東南

咸淳志 楊維禎西

水連空飛來峰前山萬重不辭妾作望夫石望郎或似飛來峰

按新婦石一名新婦磯楊詩又作石新婦當卽一石其地未詳或謂卽秦皇纜船石者非是

石龍

在龍華山後山石突出宛如龍首故名下石龍爲

淨勝院上石龍爲永壽院

咸淳志

石屏風 在保叔塔崇壽院山後成化舊志

石橋 飛來峰巔有天然石梁武林志有石橋亭路近翻經

臺咸淳志石梁長一丈亘石上如梁靈隱寺舊志楊蟠天竺石橋詩笑兀臨飛鳥

溪僧慣往來雲山多樂處且入小天台

按宋之問靈隱詩看予度石橋張祐天竺詩望月石橋

邊姚合送僧歸天竺詩小橋寺裏最清涼皆指此或以

宋詩所指在天台殊誤

石室 靈隱山有高厓洞穴左右有石室三所水經注石室

在韜光山後真觀坐其中得道者名曰頭陀石室舊傳靈

隱有三石室其一在理公巖旁名岩石室其一未詳靈隱寺舊

志

楊梅石門

今稱龍門峰

高峰之西曰烏石又西曰石筍又西

曰楊梅石門

武林山志

龍門峰在烏石西上有石對峙如門

隱

寺志

郭祥正楊梅石門詩穎穎龍精赤深深映石門自憐非荔子不得薦堯開

仙姥墩

在清波門外

名勝志

姥餘杭人嫁于西湖農家善

採百花釀酒王方平嘗沽飲是後羣仙時降因授藥一丸

以償酒價姥服化去後十餘年有人見姥于洞庭湖邊仍

賣百花酒云

神仙傳

王方平漢桓帝時人後漢省錢塘入餘

杭故稱餘杭姥也

神州古史考

前所居址高數十尺今已夷為

坦途矣

淨慈寺志

施眉吾春日錢塘雜興詩酒姥溪頭柔裏裏錢塘郭外柳移移路逢鄰婦遙相問小小

如今學養蠶 王安石送僧惠思歸錢塘詩綠淨堂前湖水綠歸來正復有荷花花前若見餘杭姥爲道仙人憶酒家

滿覺壠

在翁家山曲隄內

錢塘縣志

滿覺壠有法華泉金蓮

池其地深林茂竹漸與世遠八月桂花時游人甚盛

武林梵志

虞淳熙滿覺壠看花詩玉岑西望逼瑤城月路青青桂影橫却笑成蹊桃李徑秋來不見麗人行

按壠與翁家山尚有嶺路隔截惟武林舊事以爲在水

樂洞嶺旁較錢塘志爲可信

東山衙

在耿家步之北內有仙姑山

咸淳志

東西馬塍

在餘杭門外土細宜花卉園人工于種接都

城之花皆取焉或云塍當爲城蓋錢王舊城于餘杭門外

元自有北關門今夾城巷乃故基也地與此地相接咸淳志

在溜水橋北河界東西土人仰栽花卉為業間有園林不

過養種西塍有土神廟額作馬城西湖百咏引並河而東抵北

關外為東馬塍河之西上泥橋下泥橋至西隱橋為西馬

塍錢王時畜馬于此至三萬餘匹號曰馬海故以名塍或

曰馬姓二人東西居共為田園之塍非也杭城四時花卉

出此今名南花園北去十餘里為板橋今名北花園元羽

士張雨結廬馬塍陳旅記之謂其土沃俗質聚近而遠

西湖游覽志昔淞陵有馬塍翁種花自業蘇舜欽與之往還錢

塘亦有馬塍錢氏貴戚孫姓者擅焉張貞居猶能識其故

址蓋陸者田間之蹊也馬陸則蹊之廣者大都在城門之
四隅與大道之側既不當軌又不任犁故逸老結廬而托

處焉

六研齋二筆 葉適同趙振文游馬陸詩馬陸東西
花十里錦雲繡霧參差起長安大車喧廣陌問以馬

陸云

未識茶蘼縛籬金沙牆薜荔樓閣山茶房高花何啻

千金

直善價不刊宜深藏青鞋翩跹鳥鶴袖嚴房引前金

蔣後

隨綠摘葉煎冬酥小分移狀獻春酒陳通苗傳昔弄

兵此

地寂寞孤狸行聖人有道責草木我輩栽花樂太平

知君

已在茗水住盡日櫓聲搖上渚無際烟波夢自分有

侍綠

浦鷗偏聚迨逐風光天漫許拋擲身世人應怒君不

見南

宮載寶回何如趙子穿花去張偉馬陸詩水拍田

陸路

半斜悄無人跡過農家春風自謂專桃李也有工夫

到萊

花陳允平馬陸道上詩閒拖瘦竹節獨步馬陸東

鳥影

青山外春愁碧樹中麥潮風化蝶櫻熟而生蟲莫過

溪頭

去溪頭多落紅張翥東西馬陸春行簡平湜伯容

詩清

明時節每多陰楊柳人家花滿林侵曉乍收連日雨

貴春

長負百年心息翁一一蒲塘暖雉子班班

麥陸

深鳥報能詩平處士刺攜芳酒共幽尋

按今聖堂橋西有馬塍廟乃古東馬塍也由廟踰上泥橋西爲西馬塍武林門外大街別有馬塍廟蓋後世移額所建或卽上泥橋西所移建也俗乃指之爲東馬塍而以聖堂橋西爲西馬塍于舊人河界東西之說不合

羊角埂 在錢塘門外溜水橋之北自柴場至乳臺渡口

咸淳志

昭慶寺後通靈惠石坊徑道今呼羊角埂以山之餘支稍

高于地如羊兩角故名與宋時所呼之地尚遠宋羊角埂

則今呼花園埂之處也

昭慶律寺志 宋伯仁羊角埂聯行詩葛囊蒲履帽烏紗迤邐乘涼

到水涯數寺晚鐘聲未歇滿身涼月看荷花

